



OSOKO KONTSEILUA
CONSELL PLENARI
CONSEIL PLÉNIER
CONSELH PLENARI
CONSEJO PLENARIO

XL Conselh Plenari de la CTP Arantzazu, 30 de novembre de 2022

La Presidenta de la Region Occitània,
La Presidenta del Govern de Navarra,
La Ministra dels Afars Exteriors del Govern d'Andorra, coma Presidenta de l'Organisme andorran de cooperacion transfrontalièra
Lo President de la Region Novèla-Aquitània,
Lo President del Govern d'Aragon,
Lo President de la Generalitat de Catalonha,
Lo President del Govern Basc, aqueste darrièr en exercici de la presidéncia del Consòrci de la Comunitat de Trabalh dels Pirenèus (CTP),

Amassats en Conselh Plenari lo 30 de novembre de 2022 as ARANTZAZU, Oñati, Gipuzkoa:

Lo Conselh Plenari se felicita per celebrar sa quarantena reünion e pel trabalh realizat per la CTP, en reconeissent la labor de totes e totes los sius predecessors.

Aquesta efemerida es una escasença per reafirmar la voluntat dels membres de la CTP per contunhar e reforçar aquesta cooperacion transfrontalièra exemplara al servici dels abitants dels sius territòris.

Es tanben una escasença per seguir jogant la carta de las valors de l'entorn, la participacion, la collaboracion e l'integracion en l'Union Europèa.

En aquestas quatre decènnias sèm estats testimònis d'importantas fitas, demest las qualas cal destacar, per ne citar sonque qualques unas de las recentas, la designacion de la CTP coma autoritat de gestion del programa INTERREG-POCTEFA, la creacion e consolidacion de l'Observatòri Pirenenc del Cambiament Climatic, l'adopcion de l'Estrategia Pirenenca (2018-2024), l'Estrategia de Cambiament Climatic, l'Aliança dels Sòls dels Pirenèus (ASPIr), o los novators acòrds transfrontalièrs sus emergéncias medicalas, en espèra de l'aprobacion dels Ministèris de la Santat espanhòl e francés.

Mas aquestas evidentas avançadas nos tiran pas de las milanta escomesas a las que uèi fa front Euròpa. Dins aqueste sens, lo Conselh Plenari exprimís la siá extrèma preocupacion per la guèrra en Ucraïna. Aqueste fach, assomat a la crisi energetica, lo cambiament climatic e lo tractament de las consequéncias de la pandemia, requerís responsas conjonchas e solidàrias dins lo sen de l'UE.

Lo Conselh Plenari mòstra la siá fisança e sosten a las mesuras adoptadas per l'Union Europèa, e ratifica la siá Declaracion de solidaritat amb lo pòble ucranian e en contra de l'agression de la

Federacion Russa, iniciada en febrer de 2022, al temps que condemna l'emplec del forniment d'energia coma arma de guerra. Dins aqueste sens, la CTP e los seus membres assumisson lo compromís d'accelerar la transicion energetica.

Balha sosten e assumís las resolucions adoptadas en la COP 27 de cambiament climatic qu'aguèt luòc entre los jorns 6 e 18 de novembre en Egipte, en lamentant que sián pas estadas mai ambiciosas e precisas. Egalament, encoratja a contunhar los esfòrces realizats dins lo quadre de l'Aliança per las Montanhas de las Nacions Unidas per far evident la vulnerabilitat de las zònas de montanha davant dels impactes del cambiament climatic.

Lo Conselh Plenari manifèsta la siá fisança en que dempuèi una vision partejada e a través de l'unitat d'accion de l'Union Europèa poirà contribuir a susmontar aquestes desfises.

RESOLUCIONS DE LA COMUNITAT DE TRABALH DELS PIRENÈUS EN LA SIÁ “DECLARACION DE ARANTZAZU” A L'ESCASENÇA DEL XL CONSELH PLENARI

Lo Conselh Plenari de la CTP:

- Reïtèra lo compromís amb la societat civila e ciutadanetat dels seus territòris. La benestança dels seus abitants e la mesa en valor de las caracteristicas socialas, culturalas, lingüisticas e economicas distintivas de l'espaci transfrontalièr, an d'èsser dins lo centre de las siás decisions.
- Sollicita a la Comission Europèa de contunhar aprigondint e de cercant consensus entorn al Mecanisme Europèu de Cooperacion Transfrontalièra (ECBM) e en desvolopant la siá iniciativa b-solutions per solucionar los obstacles legals e administratius per çò de la cooperacion transfrontalièra.
- Manifèsta lo siá disconformitat pel barrament dempuèi fa mai d'un an de uèch passes frontalièrs en los Pirenèus, amb lo consecutiu perjudici per la ciutadanetat transfrontalièra, decision que poiriá enfrànher l'esperit del Tractat de Schengen.
- Se felicita per las conclusions del Conselh de l'Union Europèa del 21 de junh de 2022 en relacion amb las negociacions de l'Acòrd d'Associacion d'Andòrra amb l'Union Europèa e reconeis l'importància de trabalhar en basa a una fuèlha de rota plan definida per conclure las negociacions abans de la fin de l'an 2023.
- Sosten las negociacions en cors entre los Estats per desvolopar d'infraestructuras transpirenencas de interconnexion que contribuiràn a diversificar las procedéncias del proveiment energetic, e tanben a fomentar la descarbonizacion mejançant l'emplec de fonts d'energia renovelabla, coma lo idrogèn verd e lo biometan. Tanben, reclama que las Regions e Comunitats Autonòmas sián apondudas al procès de decision.
- Se planh que la proposicion de la Comission Europèa per la revision de las Rets transeuropèas de transpòrts (TEN-T) preveja la reorientacion cap a la mar del Nòrd e lo Baltic e non pas cap al Mediterranèu dels corredors que conduisson cap a Ucraïna. Per aiçò sollicita als govèrns franceses e espanhòls una escomesa decidida per que reïvindiquen una configuracion mai favorable als interèsses del sud-oèst europèu.

- Se compromet a impulsar l'adopció d'un Protocol de cooperació transpirenca per la promoció de l'hidrogen renovable, dins l'amira de crear un espai transfrontalièr de desplegament de l'economia de l'hidrogen, en reforçant lo posicionament dels territoris e en lor permetent d'aténher los objectius de descarbonizació fixats en las estratègies estatals e europèas.
- Escomesa pel desplegament de l'Estratègia pirenenca de Cambiament Climatic que mena a tèrme l'Observatòri Pirenenc del Cambiament Climatic amb l'aprobacion del sieu Plan Operatiu 2030.
- Manifèsta lo sieu compromís amb la joventut e, dins aquesta amira, celèbra la capitada del II Fòrum Transpirenenc de la Joventut a Hondarribia (Euskadi), que sa tòca de fomentar un dialòg entre la joventut e las personas amb responsabilitats politics dins los 7 de territoris pirenencs s'a consolidat particularament ongan, en 2022, An Europèu de la Joventut.
- Se felicita per la recenta aprobacion per la Comission Europèa del programa POCTEFA 2021-2027 que prevei una augmentacion significativa del budget Feder (243 M€) e que sa primièra convocacion de projèctes es prevista per 2023.
- Destaca lo caractèr novator del programa POCTEFA 2021-2027, mai que mai a través del sieu Objectiu politic 5 (Una Euròpa mai prèpa de la ciutadanetat). En mai, avalora positivament los procediments participatius entrepresas dins los espacis transfrontalièrs, coma modèl de governança multinivèl.
- Felicita e merceja las Euroregions Novèla-Aquitània-Euskadi-Navarra e Pirenèus-Mediterranèa e a la AECT Pirineos-Pyrénées, per la collaboracion menada a tèrme en la convocacion de microprojèctes pel territòri pirenenc, e tanben pel ròtle qu'a costat de la CTP son apeladas a aver a l'ora de desvolopar l'Objectiu politic 5 del POCTEFA 2021-2027.
- Confirma lo besonh d'enfortir la cooperació transfrontalièra coma utís essencial pel desvolopament d'una politica de coesion que responda als besonhs de la ciutadanetat transfrontalièra e a las escomesas de l'actual periòde de transicion energetica, numeric e social.
- Merceja los sòcis institucionals del programa pel trabalh realizat e ne destaca la bona collaboracion amb la Comission Europèa.

Sr. Alain Rousset

Sr. Francisco Javier Lambán Montañés

Sr. Pere Aragonès i Garcia

Dòna Carole Delga

Dòna María Chivite Navascués

Dòna Maria Ubach Font

Sr. Iñigo Urkullu Renteria